



松陵陸廷楷別字迂鄉

易安詞丈見示十無詩字裏生香舌頭吐豔紅
情綠意頓觸前塵粉怨朱啼重題故事淫香浚
骨瘦來沈約之腰媚態繁魂愁繞江郎之筆天
涯芳草望彼美兮何方水涘蒼葭溯伊人而宛
在借來題目寫眼下之風流奪得酒杯澆胸中
之傀儡十年舊約牽好夢於揚州一曲新歌效
嬌顰於南里若云忍俊不禁豈敢然哉或曰技
痒難熬則猶云爾

南里倡酬集

易安書屋

眉橫翠黛口施朱淡：新妝入畫圖携手花間
同玩月一池皓魄浸虛無

氤氳香煖博山爐睡起開簾鸚鵡呼釀得梨花
春正熟可能同飲一杯無

睡鴨池塘水一區風飄紅袖倩人扶戲拋蓮子
將即打箇裏深情解得無

褪却蓮勾解繡襦鴛鴦帳護錦流蘇枕邊細把
檀奴問閒製閒情賦有無

藏鉤射覆博歡娛銀箭聲聲促漏壺馬滑霜清
斜月澹閣即今夜住還無

湖山石畔長蘼蕪錦瑟年華似隙駒憶殺花間

臨別候玉纖親采贈文無

夢回香冷碧紗厨。悶倚妝臺獨向隅。寄語薄情
夫婿道同心柳結記還無。

拋却黃金撒却珠。使君今日是秋胡。匣中縱有
芙蓉劍。試割癡情得斷無。

涼颼習習月輪孤。燈下裁衣寄遠途。欲下金刀
還住手。腰圍得似舊時無。

銀漢迢迢風景殊。小庭七夕拜黃姑。曾嫌青鳥
空傳信。惆悵而今信也無。

懷陸迂鄉

周秉鑑

甫里倡酬集

易安書屋

春朝三覆往來辭。交淺言深信有之。自古每懷
交臂失而今。休歎白頭遲。東流容易雙魚寄。世
道艱難一字師。恨不此生同井里。天涯芳草費
相思。

答周易安

陸廷楷

接誦雲箋絕妙辭。聯珠綴玉似微之。梅開東閣
春來早。草綠西塘蕩到遲。事變不求苟合世。患
深何敢好為師。驚心又是經年別。獨對辛盤有
所思。

周秉鑑字顯光一字易安

杏花春雨詞次翟春溪韻

遙指前村酒可賒美人相與酌流霞一番寒食
清明節開徧生香活色花

濛濛朝雨釀芳塵墻裏花枝墻外春脂點太濃
粉太澹輸他桃李媚時人

雨歇三更碧涉江落花銜燕又穿窻可憐風信
經年別尺鯉何從寄一雙

瓊林他日冥中探扑面東風十里酣馬上可能
回首望斷魂春色在江南

假年錄

卷上

周一 易安書屋

七夕後一日陪寶山黃平泉暨里中諸同

志過翠林海藏兩院納涼分得伏字韻七

言古詩一首

入秋三日猶當伏葛衣蕉扇相徵逐不爭浮利
與浮名底事朝朝忙碌：丈夫有事在四方龍
泉寶劔豐城獄達人隨遇中心安笑他阮藉窮
途哭有客汪汪千頃波山大金釐一釣六方壺
圓嶠不相容手攜直上楊州鬻火雲四合鶴羽
顛暫息吳淞侶鵝鷺吳淞江上多禪林玄白梅
花古名目儒家道院兩茫茫：晨昏鐘鼓飯西竺

海藏流傳萬柄蓮翠林新種千竿竹看蓮坐竹
誰消閨妒殺老僧享清福每日來分半日閒不
知何日心方足

苦熱行 次黃平泉韻

赤日相望銀蟾紅河星麻點橫遙空宵深欲眠
勉牽帳翻身墮入火窠中五體條條拚露宿黃
蚊黑蚋誰相容我聞夏日可畏是趙盾炎帝當
令稱神農何乃火烈爲政一至此子產孰殺吾
將同松柏何罪膏液流瓶壘無恥醇醪酏大暑
未來先遣酷吏到請公入甕何忽忽五湖四海
假年錄 卷上 周二 易安書屋

大冶煑十州三島洪爐烘排天無人告湯火上
帝威權付祝融諭言富貴貧賤者一例陶鎔出
至公何爲龜言鶴語只知寒不說今夏大地轉
向扶桑東冰國頻年不解水欲往從之途路窮
雪山頻年不開雪欲往從之煙霧蒙瞻顧四方
感之靡所騁踵息禪定都無功河朔之飲誇本
初不若井臺石季龍孫登草裳伏土窟李白露
頂灑松風身可裸鬢堪蓬何必招商叩羽躡仙
踪試聽牧童牛背山歌唱漁子謳啞和釣筒人
跳床中稻笈田平原無用愁無甕

春遊

太平之世天地闊佳水佳山路四達况茲蘇杭
形勝地而我世累能解脫一百銅錢掛杖頭陸
隨鶯燕水隨鷗得歇脚處且停步花意迎人笑
不休閒呼一壺梨花醞醉眠淺草人驚問暖風
醺得遊人醉耳邊玉笛流清韻一輪明月滄海
東欲上不上浮雲蒙須臾落日變霞彩斷斷續
續漫天紅日光低映芙蓉面綠柳半開復半掩
不盡春光觀未足畱取明朝重檢點

古別離

假年錄

卷上

周三

易安書屋

相送楚江水相思楚江竹白雲無成心從君千
里逐

菊影

籬邊萬種花齊發長恨花開墨最難
驀地墨花連夜放何人起向月中看

蟹蝶

玉骨翩跹識者稀前身公子是耶非
赭黃絕卸橫行甲粉白旋成妙舞衣
有夢應尋香稻去無腸不採野芳歸
蓼紅蘆白熟忘却日在珠簾相對飛

次黃平泉同過翠林院韻

何事還將白髮搔
顏唐詩思尚勞勞
仲宣已逝社方冷
叔度今來興又高
風雨匡廬同設難
倡酬皮陸各分曹
祇愁物色羊裘者
不許綸竿淞水逃

丁巳人日立春集易安卽事得家字

靈辰有客賦韶華
便覺新春占我家
茶拆鳳團烹臘水
筍抽龍角膾冬芽
意中人近書難寄
枝上花遲鼓可搗
自愧瓊瑤無以報
願期永好更投瓜

假年錄

卷上

周四

易安書屋

題張氏隱居用唐人題韻

山環萬壑水環廬
風雨廬中樂有餘
三徑花開人載酒
長年事簡獨披書
鑿池愛養天隨鴨
把釣非求尚父魚
門內若容爭席坐
好攜家具作鄰居

翦秋羅易安齋中分賦

一夕西風玉露流
羅衣破碎不勝秋
雖然絡索汗顏色
也被羣芳譜裏收

遊俠

遊俠行不軌頗謬聖賢旨
當其發義憤英風獨

振起生人所不生死人所不死折節讀書詩何如仲夫子

送友

四方君有志言送海之隅鴻鵠舉千里鶴鶴守一棧窮通命已定貴賤道非殊車笠他時遇還能揖我無

盆菊平泉寓齋分賦得霜字十八韻

莫以托根淺而云不傲霜譬如老東籬遷徙毋庸傷主人惜寒瘦移置讀書牀簾櫳避風日勺水勤灌將雖然在瓦缶五色煥文章左圖右史

假年錄

卷上

周五

易安書屋

中照耀增輝煌間花滿載來分散幾家香或貯歌舞席或登富貴堂或上綠雲笄將之鬪鳳皇或易青花殘對之擘蟹筐何如居此室形影澹相忘可澆不肯摘渴盡相如腸客來五分紙推敲坐花傍有詩堪醉飽無酒莫恹惶蟋蟀入床下明月縣東墻西風靜浙瀝花意同徜徉入幕非本性愛之反見戕終當出籬下零露滋華光

少婦樓頭柳

嫩黃縷纒乍逢春搖曳紗窓曙色新如翠長眉風翦出曉妝妒殺畫樓人

丁巳五月下澣送別翟春溪

去年黃梅不相識今年黃梅作離別交日何淺
言何深真是三生石上結題橋無志終臨邛惡
酒不受公榮客君亦絕滴素結納今居同里情
當濃曷爲落落如朽鑿翻向汙泥尋尺蠖生畏
豪客高軒過老懶逢君常脫略多君風騷侔日
休平泉亦是江東儔吳淞灘頭弔古跡虹橋鴨
沼相勾留此中無人堪與語魏子霞城獨可許
乘馬戴笠越謠歌六翼高騫排雁序暮雨杏花
秋海棠翠林海藏荷花香一遊一咏忘歲月銀

假年錄

卷上

周六

吉安言屋

花火樹爭輝煌花開五色江郎筆敘言四百華
而寶詩壇牛耳藉崢嶸強將之下無弱卒宜興
邑宰羅滅明拔我插天之霞城聘入不辭親友
去嚶黃鳥空求聲先生首着羞彈鋏驛馳鎮
海飛軍帖百函俱發要君當我黨驚聞魂跼
嗟予貧病雄心灰經君手撥生煙煤如何瞬眼
仍潑滅霞城聞之應徘徊故人期望願非淺倡
酬一編良可撻秋風努力功名成措大出頭無
二件畱得平泉亦暫時終搏羊角徙天池他時
三鳳巢阿閣野老聞之勝見之

吳縣金成字默堂一字指石

杏花春雨詞次翟春溪韻

二月風光春色賒
杏林開宴燦如霞
何人醉後歸鞍上
細雨香泥踏落花

瑤臺仙子墮紅塵
行雨行雲萬樹春
一樣落花浮水出
天台錯認再來人

昨宵風信到吳江
料峭春寒逗碧窓
紅雨一簾人夢醒
穿花紫燕語雙

名花合向雨中探
經雨花容分外酣
如此好花如此雨
不由人不話江南

假年錄

卷中

金一

易安書屋

秋海棠次前人韻

春紅不盡點春苔
直到新秋冠草萊
莫漫低頭怨薄命
菱花特地爲君開

瑟之涼
水草黃墻邊砌下
獨含芳
秋容雅澹偏多豔
不怕金風詎怕霜

紗窓夜雨洗朝霞
睡起蘭房挽鬢鴉
爲愛輕盈挿數朶
豈真妾面不如花

弱質恩濃雨露滋
秋深憐爾最嬌姿
海棠軒裏悲秋客
錯認春光好賦詩

胡震字載陽一字涵齋

杏花春雨詞次翟春溪韻

如此春光興未賒
雨餘飛出半墻霞
鞭絲帽影垂去
只向東鄰看杏花

霏微霧雨浥芳塵
似與江梅鬪豔春
花外有樓簾半卷
輕紅淺白最撩人

數枝含雨浸春江
生怕隨風入綺窓
盡日凝妝樓上望
妒他花裏燕雙雙

春風爛漫幾回探
宿粉殘脂帶雨酣
他日曲江春宴罷
應隨香夢到江南

假年錄

卷中

胡二 易安書屋

沈半閒花塢落成索賦

鯤鵬曾識海天寬
老去悠游賦考槃
花月情深名利澹
水雲興好夢魂安
經營邱壑藏魚鳥
匝籬牆護菊蘭
如此風光誰管領
希心容易會心難

石湖泛舟

一鏡湖光綠樹齊
裙腰碧草儼蘇堤
初無十里荷花豔
也有鴛鴦傍水棲

青山缺處起樓臺
高下軒窓面面開
我正停橈一迴望
笙歌燈火逼船來

西山探梅

春寒破宿醒去踏山間月山徑寂無人梅花見
林樾香凝宿塢雲寒映空潭雪掃石坐彈琴清
音散巖穴

訪澗濱陶嘯峰新葺草堂

溪迴竹繞草堂成野外疎林鳥弄聲茶竈香濃
松火煖藥闌雨潤石苔生藜床睡起收殘帙蔬
圃食餘賸落英欲買吟瓢修釣艇煙波深處結
鷗盟

送魏霞城之廣東

假年錄

卷中

胡二

易安書屋

詞賦名塲振誰扶大雅輪權爲入幕客因有愛
才人水到珠江媚巖流玉乳春丈夫知遇重不
獨爲謀身

秋日野步

意行隨處好散步自忘機流水澹如此浮雲遠
漸微西風欺病葉歸鴈下斜暉有客同吟眺相
將話授衣

和黃平泉海藏觀荷原韻

洗出紅妝似倩扶亭如對十眉圖夕陽一陣

跳珠雨驚起鴛鴦新哺雛

李鑿字衡材一字秋塘

杏花春雨詞 次翟春溪韻

遲日和風煖氣賒玉欄干外護朝霞看花情緒
今年早第一先看及第花

廉纖細雨洗芳塵紅濕當檐及好春昨日上林
春宴罷六街爭看少年人

花信頻傳到曲江半墻紅暈上紗窻春風十里
長安道喚起相思燕一雙

垂鞭緩步隔牆探玉頰酡顏帶雨酣正是嬉春
好天氣輕寒輕暝憶江南

甫里倡酬集

卷中

李一 易安書屋

秋海棠詩春溪爲悼亡賦也予續膠已三
載矣披吟根觸因依韻和之

絳雪迴風舞碧苔虛疑仙子下蓬萊三年不向
妝臺見又傍雕闌舊處開

焉支染頰額塗黃小草居然傲衆芳憐殺傾城
好顏色此生能受幾風霜

襯妝一樣爛如霞不是當年舊鬢雅記得夜深
涼露下碧闌干外看秋花

浴玉露曉光滋粉澹香清別有姿翠袖卷紗

脣得酒幾回錯認老坡詩

春燕

天涯何處不堪飛，偏向人家檐下歸。
風送海濤辭故國，雨零芳樹息重幃。
炎涼世變巢猶在，玳瑁梁存姓已非。
補葺香泥甘努力，上林休借一枝依。

秋燕

養得雛成又報秋，杜公酒盡尚淹留。
半年碌碌營巢就，萬里茫茫何處投。
偶一入簾憐舊主，還來掠水約同儔。
禽未肯依人，廡不怕香窩占，拙鳩。

假年錄

卷中

李二 易安書屋

感懷

蠶益久饜志，難酬歲月蹉跎。
三十秋聊復揣摩，搜蠹簡未須商略。
辦漁舟少年多難，如窮鳥中道無依，似泛鷗落。冥吟燈誰伴我，磨成一劍在床頭。

盆菊

盆盎分栽秋幾叢，齋頭正好伴吟翁。
高其位置塵難染，扶此清癯竹有功。
晚節香宜隱硯北，傲霜色不減籬東。
鄰家有酒堪攜賞，何必恓惶三徑中。

徑中

漢宮秋次翟春溪元韻

芳叢染血蝶魂驚陡覺秋階畫意生豈是長楊
宮裏種至今花史說西京

禁庭秋色漸成空紅葉題箋怯曉風解識班姬
哀怨意淚痕每到雁來紅

翠林看桂范次平泉韻

小山幾樹蘄清芬忽向僧窓靜處聞堅坐看花
花更好一堆黃雪正斜曛

領略秋光興不孤東南地隔輒相呼故園亦有
階前樹冷落西風開到無

假年錄

卷中

李二

陽安書屋

家中狸奴一夕暴死詩以悼之

花陰璊蝶枝偏長恠爾無端一夕僵黏毯尚疑
眠處穩裹益翻悔乞時忙不勞每飯魚留骨陡
覺連宵鼠跳梁應有魂歸蹲榻畔令人安堵黑

甜鄉

感懷

蠶益久饜志難酬歲月蹉跎三十秋聊復揣摹
搜蠹簡未須商略辦漁舟少年多難如窮鳥中
道無依似野鷗落窳吟燈誰伴我磨成一劍置

床頭

蓮池禪院紫牡丹

平泉黃臣燮

佛日烘開朶，霞暫將空色。鬪豪華三千豔，寵
無其匹。第一豐腴，是此花畢竟，價高紅芍藥。居
然光奪紫袿，袿荒江古寺，雖流落譜姓從來屬
魏家。

太倉王夢翔字念伊一字莘樵

杏花春雨詞次翟隄

瞥眼嬌紅春興賒，古豐千樹恍堆霞。魂銷片刻
如絲雨，澹粉輕脂乍濕花。
穠姿應不染，纖塵雨濕紅雲無限春。何必墻頭
假年錄卷下
一 易安書屋
窺宋玉天涯多少惜花人

二月新晴宴曲江，灑殘紅雨扑雕窻。春光慣觸
離人思，怕見翩翩燕子雙。

玉闌干外試尋探，臉暈生春抵酒酣。賴得雨多
花信早，不然應怕住淮南。

憶君符第

河梁送我小橋南，纔過清明三月三。記得維舟
燒蠟燭，有人深夜鬪清談。

柳色青青嫩雨天，吳淞三度月輪圓。殘宵觸我
池塘夢，春草賦叢憶惠連。

湘蘋內姪女臨終成絕命詞乃兄秋渚索

次其韻

霞城魏

標

小謫塵凡三十年天成秀骨總翩翾清閨也被
修文名環珮魂歸竟杳然 呱 穉女日相偎
到死心情未忍灰憑仗新詩寄長恨琉璃硯匣
倩兄開 從來生滅只尋常圖畫空描雅澹妝
片紙要留真面目又勞癡叔一時忙 蓋篋親
封忍再開釵鈿檢點重遲徊喚來弱息牀前語
腸斷彌爾尚九廻 罷繡題箋下筆難思親哭
子淚瀟瀟十年已悔拋心力焚臺詩情尚未闌

假年錄

卷下

三

易安書屋

附原倡

嚴酉君室潘掌珍湘蘋氏著

生長深閨十九年雁行情誼最翩翾標梅未

賦天桃放轉眼庭萱痛黯然 一 女歸有所總

相偎薄命何期作死灰眉黛淺深難自許羞

將鸞鏡對人開 二 裙布荆釵愛處常不隨時

世闌新妝任他春色紛紛去祇把金鍼日夜

忙 三 謾道眉峰總不開曾從愁裏強徘徊雞

鳴堂上承姑訓掩淚常將笑眼迴 四 從來慷

慨死非難自此幽魂逝渺漫何事夜臺猶帶

恨念他幼女哭更闌 五

煙筒

春溪翟

璜

竹冊書勲爾最先置身直欲上凌煙非關温飽
中偏熱豈侍磨礮跡始堅尺寸可操憑赤手氤
氲不斷吐青蓮古傳茹草餘仙品脣齒相依已
卅年

霞蔚雲蒸氣萬千虛靈心竅徹中邊自然圓潤
無如竹便遇清明不禁煙到處先需成錮癖相
思偶見吐饒涎固應結契如蘭臭呼吸頻之最
有緣

三尺湘筠截作筒荷囊新樣綴玲瓏澄思慣助
假年錄 卷下 四 易安書屋

詩文興破悶真逾酒茗功味在鹹酸甘苦外攜
將几杖劒琴中此君空洞原無物歷盡炎涼色
轉融

香霧靈微裊碧筒等閑吐納有奇功夢回午榻
尋初見話盡宵燈索屢空得我吹噓應外澤愛
他才調是中通新拈湘管添吟興約略騷人嗜
好同

題周易安照即以志別 平泉黃臣燮

我遊雨里間所識幾人耳惟君能作達鬚眉竝
黃綺託業賣漿中大隱不離市觀其處家室事

事有條理非儒却好學汎濫窮百氏遊戲靡不
該遂通九流技握算陋研桑測天筮周髀偶與
評韜略雄談忽鋒起尸佼譎觚術鯁生安足比
向未涉其瀾何由得其涖工詩積盈帙適趣聊
復爾要其平生學在彼不在此徒奉詩翁名殆
非翁知己惜乎千尺材老棄空山裏即今早蕭
閒家事諉令子猶餘愛才癖如渴方引水我挾
二仲來累君頻倒屣倡酬興何豪得句輒付梓
孫雛攜畫軸索題粲玉齒多恐寒具手草草澆
倫紙書罷一沉吟秋風行別矣

假年錄

卷下

五

易安書屋

和春溪煙筒韻四首之一 前 人

豈是偷吹嶰谷筒銀籤落索響瓏之遊仙便當
食霞具入座先叅服氣功何許神通金穴底無
邊芳意管城中偶拈衣孔成微哂餘燼還須戒
祝融

前題

易安周秉鑑

若方茶峒先供客如比栢榔更可人棋下未安
難釋手詩吟欲就暫離唇夢中拋撇原無戀忙
裏搜求易動嗔最是胡姬相乞火巫雲嫋起十
分春

元和陳心鏡字照軒一字果園

杏花春雨詞次翟春溪韻

春到清明景色賒宿雲未捲見朝霞美人臉上
分明似宋玉牆東一樹花

一般紫陌與紅塵雨到飴簫別有春桃似燕脂
梨似雪可能醉得玉樓人

風吹細雨渡春江始信書生十載窓無數好花
走馬看杏花端的號無雙

酒旗遙指雨中探魂斷行人花正酣拭目醉看
紅濕處十分春色畫江南

假年錄

卷中

陳一 易安書屋

秋海棠次前人韻

小立墻陰倚翠苔藥宮仙子下蓬萊壓花露重
嬌無力每見開時和淚開

葉碧英紅心吐黃肯隨西府鬪春芳恠伊不願
藏金屋甘受西風甘受霜

漢宮秋色麗如霞孰與佳人伴鬢鴉丹桂飄殘
宜插帶更誰知是斷腸花

八月春回清露滋花：葉葉吐芳姿自慙未有
凌雲筆漫和西崑卅六詩

竹影

三徑蕭疏清絕塵半窻并土見精神知君萬个
書成後不欲重尋寫照入

讀平泉春溪暨同里諸新咏因賦

十年詩興已闌珊南北東西數古歡郢曲幾時
重刻羽旣災何處止流丸忽逢舊雨聯新雨却
忘朝食與夕食快讀韓潮蘇海句望洋惟有作
驚歎

有感

不醉糟醅醉六經墨銷筆禿硯無靈侯門不會
營三窟蜀道何時鑿五丁進退隨人箠上雁浮
假年錄

卷中

陳二 易安書屋

沉任水雨中萍問天天遠頻搔首老阮云亡眼
少青

曉鶯

春漏將殘天欲曉空堂忽爾聞啼鳥一聲兩聲
千萬聲忙把春光織不了隨風帶雨度春城出
谷遷喬最有情錦繡園林啼未徧菜畦麥隴又
催耕

虎邱雜詠

鐵華巖下池水清可中亭上春風輕花鬚柳眼
各無賴何處能消絕俗情

保聖寺僧廣成植杜鵑廿本病歿有力者
羣起而強奪之其徒盡投於河子愍之乃
作杜鵑行以弔之

西蜀名花東國少嘉名同錫蜀中鳥獨殿羣芳
發夏初不覺殘春花事了一枝兩枝漸漸開恍
如望帝徐徐來銀紅粉白發老幹重臺夾葉爭
新栽白公堤上看花者薰風踏徧五花馬一朝
移到梵王宮法雨天花映碧空老僧愛護如保
赤轉輾防維懼遭厄年去年來花復花孫枝虬
幹古槎枒廿年同伴僧房宿分手西歸各一涯

假年誌

易安書屋

山家從此花無主來往遊人非閒人其中惡少
偏傷毀劫奪爭鬪似豺虎闍黎自古稱弱門吞
聲躑躅不敢言一般盡付東流去恨與花飛兩
地存花魂黯黯隨波沒枝葉葉皆消歇老僧
遊魂歸去來剩有子規啼夜月

過便民河

大江南岸便民河 皇路欣遵共一過垂柳綠
煙藏酒肆採菱紅女雜漁歌連山起黛龍潭道
隔浦騰雲楊子波遙指金陵是前路樓霞猶仰

聖人多

秋夜宴

金風涼玉露灑秋蟲鳴野雁南翔菊芳蘭秀桂
花發草衰木落蒹葭蒼對明月酌旨酒會詞人
集良友人生及時且行樂得閒且自開笑口相
酬相勸莫相誚靖節漉巾今在否

曉妝曲

春宵未曉春鶯鳴春鶯鳴曉春心驚海棠睡醒
春未足春色傾城春日情珠闈繡箔爛生光整
頓衣裳起象味亂環七尺飄雲鬢鏡裏芙蓉玉
貌妝：就玉貌天然質新樣蛾眉畫不出百寶
假三筆

攔干萬壽亭天香國色雙之立

易安書

擬遊林屋洞歌

我懷太史公東漸江海西崆峒我羨謝康樂朝
登廬山暮宛洛闔閭城西攬勝游五湖深趣泛
輕舟洞庭兩山雙壁立一峰縹緲撐雲浮其中
洞天曰林屋靈威丈人來寤宿迄今已隔三
年玉柱金庭猶炫目我懷如何不能去對此山
巔水涯處石壁題名憶古人秉燭尋幽且達曙
平生碌碌：風塵間着屐登山意未閒安得息機
留此地朝看飛鳥暮飛還

尋梅和周易安韻

元和陳心鏡果園

聞說探梅客孤山興不孤南枝開徧否東閣贈
來無未許和羹用先傳索笈圖陽春難屬和握
管爲踟躕

華封祝

華封祝富壽多男聖人福明揚側陋復何求立
人達人遂其欲讓許由由隱淪有鰥在下二女
嬪終致天地歸平成吁嗟乎丹朱亦是古聖人
克成親志而無爭

五禽言

陳二疑約課

假字

易安書屋

行不得也哥哥行不得也哥哥熱心每遭人
訶緘其口受益多不談是與非終日笑呵呵

稽古稽古稽古何如力田苦力田猶可遇豐年
老作蠹魚究何補

失稽古稽古

脫却布袴脫却布袴布袴粗遭人惡錦衣狐貉
滿眼前敗絮縕袍何足數

不如歸去不如歸去安樂窩在何處寧作土中
沙莫作風中絮

得過且過得過且過天雨少天晴多今日不知
明日事銜柴莫作別家窠

季夏家二疑約沈澹如同赴水月軒澹如
爲溽暑所阻予亦不復往作歌以荅之

男兒生世間所貴在適意寄情觴咏中何必思
名利憶昔少年初求友韓後圃戈六治周易
安吳十州共詩酒花晨月夕不空過短咏長吟
時聚首一朝奔走之四方十年落落疏故鄉心
似懸旌搖不定身同巢燕啄泥忙回首故鄉五
十里但隔吳淞半江水欲達不達音信稀賞奇
析疑竟誰是竭來羈旅一城東嘉賓益友相追
從壯心血性俱已矣除却臨文氣不雄居今稽
假字蓋

勿安書屋

吉竟何有縱飲狂歌亦已久朝來有約在滄浪
準擬聯吟坐林藪沈澹如家二疑樂莫樂兮新
相知膠漆相兼織素絲火雲赤日阻嘉興坐冷
兩地空相思兩地相思誰可訴薰風拂：來庭
樹人生何處不相逢一離一合皆天數二疑示
我詩一卷秋日煩蒸藉消遣一吐胸中抱負奇
頓教羈客愁眉展樂府新詞感激深知君蒿目
更傷心幾回掩卷三歎息莊鴉依然是越吟

將進酒

西風吹楓，葉丹日月照之如玉盤秋高氣爽

最足樂勿以蕭瑟生悲酸高堂置酒具四美雲
龍詎合金蘭比百年三萬六千日好景良晨况
如此將進酒開笑口聽我高歌酌大斗相酬相
勸莫相誚畀我嘉賓期黃耆

春日舟行潞野關遇風夜泊孫武子橋

陰靈四塞日光薄黃沙颯々向人落山色糝糊
雲樹迷呼號聲沸狂風作扁舟逆出黃花湮驚
濤駭浪相砰礫舟人努力向潞關塘水若立還
曲却與波上下難溯洄坐看行舟相擊搏如此
風波不可行一篙且向孫溪泊

假年盤

效温飛卿體卽用其韻

易安書

繁花密竹茂林間珍重風光畫掩闌色借海棠
宜半醉語偷鸚鵡未全閒若教貯爾須金屋莫
認愁予倒玉山孔雀屏前鸞鏡裏與卿相對不
知還

題黃方川碧梧清暑圖

小橋流水青溪曲中有幽人獨寤宿桐陰蔥蘢
千萬重未許薰風度茅屋蕭然坐此白日長筆
峰林立山青蒼十日五月盡能事千三百里容

蒼茫作圖者誰是姓黃

秦箏曲

高堂酒置衆賓坐秦箏獨向筵前播繁音促節
難等倫休說當年天寶賀有時好鳥鳴交交又
如水急流淙淙潛虬振起老蛟怒秋江撒雨驚
魚龍雲沓雨颯波濤喧唳音煩雜條而掀
掀復輕籠更若行歌相問答不假麻姑爪不羨
鶯聲巧靜夜江湖秋雨聲空山松柏春風攪激
昂慷慨感人心不爲靡桑濮侵一洗從前鄭
衛耳好聽銀甲奏西音

琴臺

琴臺

石崇墓

琴臺高高勢岌岌羣山環繞通呼吸攬衣拾級
蹴雲根直向雲端置身立舉頭南望卽太湖太
湖瀨沙煙波中七十二峰隱隱見分明水面削
出青芙蓉湖光如鏡淨如拭沙鳥風颿浩無極
大觀何必更望洋然後可以開胸臆

石崇墓

敵國富安在一杯荒草間浮雲原易散春夢不
能還茅塞悲金谷香消痛玉顏墜樓人自殉淚
落尚潛

謁吳泰伯廟

八十自壽并敘

六治戈咸熙

乾隆丙寅余春秋二十有一受知於崔大夫科
試遊泮吳庠未嘗恨晚迨茲以後悠悠忽忽以
迄於今六十年矣青衫破盡白髮摩光可欣可
厭可泣可歌無以自娛援筆戲作其詞曰

吾甚矣憊仍未有艾剝盡復來否極還泰人壽
幾何歎我蹉跎年華如故日月如梭行路迢迢
中心搖搖每懷霄漢豈圖杖朝青青子襟悠悠
我心感恩天地常留至今今者不樂逝者其亡
敢曰予命固於苞桑臨深履薄庶幾改惡同我
無年茲

易安書屋

太平夫子木鐸明明薤露得新亡故長歌短歌
續者無數富貴當前倏若雲煙垂名奕世詎若
聖賢我心何憂我懷何求沉吟先代箕裘是謀
如影隨形如響隨聲有三不朽可以長生

秋日閑居擬陶

吳縣馬大椿萬六

大火忽西流時序感變遷好風淨餘暑疏林清
暮蟬叢桂香未歇黃花秀籬邊中庭有嘉樹日
夕足盤桓坐對古人書門無車馬喧客至卽同
飲客去長醉眠此心惟無役茲身乃得閒可以

自怡悅何用求神仙

岱嶽會課擬登眺題

新陽曹

榕恂愚

擬陟青嵐最上層亭云漸已失峻增天涯放眼
何山出世外飛身有路昇曉觀高瞻紅日浴晴
封遙見白雲蒸是間容我舒長嘯五十餘盤可
再登

潤州城

東南雄鎮舊名城此日登臨眼倍明萬里帆從
天際下一江浪逐海門生金山寺古樓臺護鐵
甕軍威祭戟橫自愧未能投筆覩來聽北固曉
鐘聲

復年箋

武昌

易安書屋

水國雄封接瑞昌楚西都會鎮三湘五方雜處
家爲俗九縣中分兵最强東望江流迴赤壁北
連山阻枕黃岡千秋遺事空畱恨鷓鴣州邊碧
草荒

虎邱

千載豪華選勝塲高峰蹲踞接金閭春風七聖
笙歌沸夜月三山詩酒狂船泊柳堤鶯語細院
藏花市燕泥香來朝我欲携筇出領略幽關到

上方

書窓雜感

千峰高 衡

飄零琴劍又天涯
四壁如秋敢戀家
倦鳥難收雲外翼
老梅還放雪中花
向平未了平生願
潘岳徒增兩鬢華
譜得牢騷詩卷在
清吟百首對窓紗

曉來無事倚欄干
觸景傷情思渺漫
一徑落花春信早
滿簾疏雨客羶寒
閨中日月憑詩紀
心裏家園倩夢看
莫道沈郎顛賴甚
帶圍更比去年寬

垂風壯志竟蹉跎
拍掌燈前縱浩歌
只道功名

雙字籃

易安書屋

眼底芥那知歲月
水中梭
敝裘季子長貧賤
絕色西施老芋蘿
識得窮通原有數
春來常自醉顏酡

經旬風雨作春陰
幽悶能摧鐵石心
旅食何常少青眼
書囊原不貯黃金
窓前離恨千家月
壁上知音三尺琴
翹首吳淞詩酒社
水雲一帶路沉沉

烏步沙中秋

煙消金鴨罷香燒
課子西窓伴寂寥
四壁秋聲燈一棧
傷心入度可憐宵

題秋夜讀書圖

新陽斗槎曹逢源

老樹離奇護草廬
乍涼天氣愛幽居
無多知己半窻月
只此風光一卷書
寫出秋聲名筆少
扑殘螢火舊囊虛
騷人心事描難盡
白露橫空雁影疏

借東坡集

我恨青蓮生太早
不待眉山一蘇老
長江萬里同歸源
元明一派真行潦
又恨我遲幾百年
未叅居士真詩禪
悵望東坡不可即
構求全集艱難極
今聞舊有三蘇集
筆陣排空鼎足立
願借假三蘇

古安言進

蘇家一隊兵解我重圍如火急

乙丑四月二十二日五月初度即事二首

久雨初晴曉日紅
籬薇花吐白頭翁
笑余貪睡渾無事
半老人如五尺童
今日知非也是癡
浮雲與我意遲遲
且將嫩筍烹蠶豆
細嚼時新好賦詩

清風亭

一箇空亭子千秋
遞世翁斷碑新翠綠
破壁蔓藤紅
曲水盤旋與雙橋
落照中抗懷高士迹
關

鴨剩餘風

古風

吳縣湘來馬文雄

混天世界浩冥冥，盤古無聊鑿太極。還玩五蟲
傀儡同登場，蠶絲憑提挈。舉頭天外一以望，笑
啼百態演不絕。就中靈秀毓斯人，堪配元黃鼎。
足立五丁肩，扇關蠶叢林。中央走辟易，秦王
持鐸驅千山。後先東指去，得得錢塘小兒強。弓
張陽侯助，逋靈胥怯。河神怒戰索將軍，旬三
日波濤息。中人以下且若斯，聖賢之徒誰與敵。
生初氣魄本浩然，鬼神喝聽驅策寸心便是。
不周山支撐天地有餘力，人兮物兮判霄壤。無
假二三

嘉慶乙丑

那庸愚不知惜等閒，暴棄千金軀。百骸震動三
魂泣，彭家昆季恣鴟張。嬰兒委鎖不滿尺，神人
咥侮雜沓來。沒身追悔曾何及，本具黃梁夢幻
身。外緣於我何損益，貪淫妬狡墮輪迴。當時自
謂機謀密盤古，冷眼局外看千秋。捧腹笑叱
笑爾忙忙傀儡羣，何不暫向塲中歇。

活板爲其質絕於汪汪，送陳果園陳送於余
費二十年苦辛，并添刻及紙張錢四十兩。無
手臂之助，今歸松陵陸迂鄉庶免焚琴之痛。

嘉慶乙丑七十三齡易安周秉鑑識

